

United Nations
Nations UniesInternational Criminal Tribunal
for the former Yugoslavia
Tribunal Pénal International
pour l'ex-Yougoslavie

(IT-95-5/18-R77.1)

BERKO ZEČEVIĆ**BERKO ZEČEVIĆ***Postupak obustavljen*

Svjedok optužbe pred Pretresnim vijećem III Međunarodnog suda u predmetu *Tužilac protiv Radovana Karadžića*

Krivična djela za koja je optužen:

Nepoštovanje Međunarodnog suda (pravila 77(A) i (G) Pravidnika o postupku i dokazima Međunarodnog suda)

- Zečević se odbio odazvati na obavezujući nalog Pretresnog vijeća i nije se pojavio kao svjedok u predmetu *Tužilac protiv Radovana Karadžića*

Nalog (umjesto optužnice)	4. februara 2011. (objelodanjen 15. februara 2011.)
Postupak obustavljen	25. februara 2001., Vijeće je poništilo nalog umjesto optužnice

POVEZANI PREDMETI <i>po geografskom području</i>	
KARADŽIĆ (IT-95-5/18)	

OPTUŽNICA I OPTUŽBE

U skladu s pravilom 77 Pravidnika o postupku i dokazima, Međunarodni sud može da pokrene postupak za nepoštovanje suda. Nadležnost MKSJ u smislu nepoštovanja nije striktno zacrtana njegovim Statutom. Međutim, čvrsto je uvreženo da Međunarodni sud posjeduje inherentnu nadležnost, proisteklu iz njegove sudske funkcije, da obezbijedi da vršenje nadležnosti koja mu je Statutom izričito poverena ne bude ometano i da njegove osnovne sudske funkcije budu zaštićene. Kao jedan međunarodni krivični sud, ovaj Međunarodni sud ima inherentno ovlaštenje za krivično gonjenje zbog ponašanja kojim se ometa provođenje pravde. To ometanje može uključivati ponašanje kojim se provođenje pravde ometa, nanosi mu se šteta ili se ono zloupotrebljava. Oni koji na takav način svesno i hotimično ometaju provođenje pravde Međunarodnog suda mogu stoga biti proglašeni krivim za nepoštovanje Međunarodnog suda.

Nalog umjesto optužnice protiv Zečevića je podnesen na povjerljivoj osnovi 4. februara 2011., a objelodanjen je 15. februara 2011.

Prema nalogu, dana 20. januara 2011., izdat je obavezujući kojim je Zečeviću naloženo da se pojavi i svjedoči pred Pretresnim vijećem. Nakon što mu je obavezujući nalog uručen, Zečević je izjavio da ne želi da se pojavi pred Pretresnim vijećem. Zečević nije iznio dobar razlog zbog kojeg ne može poštovati nalog. On je stoga svjesno i hotimično ometao sprovođenje pravde.

Zečević se tereti za:

Nepoštovanje Međunarodnog suda (pravila 77(A) i (G) Pravidnika o postupku i dokazima Međunarodnog

suda)

Tokom prvog stupanja pred Sud 18. februara 2011., Zečević je izrazio spremnost da svjedoči u postupku protiv Karadžića. Njegovo svjedočenje je održano od 22. do 24. februara 2011. Nakon toga, 25. februara 2011., Vijeće je poništilo nalog umjesto optužnice protiv Berka Zečevića.